

Supervizor za Brčko produžava imenovanje direktora Uprave prihoda Distrikta

Supervizor za Brčko Susan Johnson danas je ponovo produžila imenovanje gđina Osmana Osmanovića na radno mjesto direktora Uprave prihoda Distrikta od 1. 1. 2006. godine, da obavlja svoje dužnosti u skladu sa Statutom i zakonima Brčko Distrikta Bosne i Hercegovine.

Gđin Osman Osmanović je imenovan za direktora Uprave prihoda Distrikta dopunom Naloga supervizora o imenovanju članova prelazne Vlade Brčko Distrikta Bosne i Hercegovine od 26. 5. 2000. godine. Njegovo imenovanje je produženo usljed nedovršene reorganizacije finansijskih upravnih organa Distrikta. Njegov posljednji mandat je istekao 31. 12. 2005. godine.

U svjetlu preporuka stručne konsultantske firme Deloitte u pogledu restrukturiranja sistema finansijskog upravljanja u Brčko Distriktu, koje su sadržane u izvještaju iste od 20. 10. 2004. godine, da se izvrši restrukturiranje i reorganizovanje Uprave prihoda Distrikta, Odjela za budžet i finansije i Poreske uprave, supervizor vjeruje da bi konkurs za radno mjesto direktora Uprave prihoda Distrikta u ovom momentu narušio kontinuitet rada i iskomplikovao obavljanje stručne analize i primjenu preporuka iz iste.

Ponovno imenovanje gđina Osmanovića je na snazi sve dok Vlada Distrikta ne usvoji stručne, nezavisne preporuke za buduću strukturu Uprave prihoda Distrikta i iste ne implementira, ili do 30. 6. 2006. godine, u zavisnosti od toga šta od navedenog bude prvo.